

sodalisque fidissimi, Arturi Palmer, Latinarum literarum in Universitate Dubliniensi nuper professori, benignitati et doctrinae debeam, qui ab initio hujus fabulae editionis saepe mihi consilium suum praestitit textusque emendationes felices aliquot suppeditavit. Hunc virum praestantissimum, summa bonitate cordis insignem, singulari ingenii acumine praeditum, largaque doctrinae copia ornatum, morbo insidioso ac diutino prostratum, paucis antea diebus lugentibus amicis plurimis mors eripuit. *) De viro carissimo intimo ex corde dicere possum, ut suavibus poetae Venusini verbis paululum immutatis utar,

‘Multis ille bonis flebilis occidit,
Nulli flebilior quam mihi.’

Scribebam Brightoniae, Januarii die 24. 1898.

*) Obiit Decembris die 14. 1897.